

¡BAKARDADEKO AMA!

(NERE ADISKIDE ON MANUEL BAGO-RI).

Alargundurik dago
 Amacho negarrez,
 Dagolako gajua
 Biyotzetik miñez;
 Gaitz ortatikan dago
 Sendatu eziñez,
 Oso penaturikan
 Gure utsegiñez.

Bakardadeko ama
 Maitecho euskera,
 Igo dedilla aritz
 Eder goi artara;
 Eta zabal ditzala
 Euskal menditara,
 Orri eder zabalak
 Arbol gañetara.

Fuero zarren landare
 Aritz euskalduna,
 Orri eder ta gerri
 Guztiz gogor duna;
 Orrek indartuko du
 Ama alarguna,
 Gogorturikan oso
 Gaisuan barruna.

Egin zagun guztiyak
 Biyotzez aldana,
 Guazen poztu dediyen
 Gajuarengana;
 Negarrez dago beti
 Gugatik ¡au lana!
 ¡Bakardadeko gure
 Euskararen ama!

JUAN IGNAZIO URANGA.